

wilgaushk gish ga Shimoigiat ga Lakāga.

11 Niwālt ga na shagaudk ga gish ga bōsh ga gaulth ga gū ga na wālt gish Christ Jesus Miyānum ga :

12 Gū ga gun lipigiadum ga diltb gun waiyaukshgum zilum akāklthgum āwil gāshimhoudikshim gish niat.

13 Na gun gwanō didā gwashim dumt whagauda gagaud shim wila gungwiltbhak-gū dā gwashim, gū dum yagai gun gakshtiyāwuk shimt.

14 Āwil gwai gun klthumgulgai-shūk gi gish ga Nagwāt ga,

15 Gū gun hūwāsh ga tkānish ga wilnadiltb dalth di gish ga zum lakāga diltb lak halizogut.

16 A dumt ginam didā gwashim niwālt ga shga wilēksh ga na hoishk gut ga ā dum wil shingul sha gutletk ga kshzāou da giadit ash ga na Hai-gut ga ;

17 Dum wil gup lūdhāsh Christ dida zum gagaud shimt a shimhoudikshit; dum wil gabōsha shim diltb shimgit haliwan shim da shiebunshk gut,

18 Ma dum shim wil da'aklthk ga ma dum shim shilawāl tkāni amām dit ama dum shim lūdam gau ga shgatkau, shganak, shgalthap, diltb shgagiapshit,

19 Diltb ma dum shim wilai na shiebunshk gish Christ ga gūt in gish ga gunwilaigilshit, wil hanhontk ga shim gish ga gau ga wil holtk gish ga Shimoigiat ga Lakāga.

20 Ash niadit gūt'in da'aklthk ga dum wagait gulyā dum wāl dida tkāni dit ā gau gwanōyum ligi wilwāluksha gagaudumt gup niwālda gutgiada shimgit lūhokshk ga didā gum,

21 Ash niada dum n'lthaumshk ga Churchit ash Christ Jesus ga dum gunwāl dit gup ltha dum wila wāl althga dum shābā. Amen.

CHAPTER IV.

1 Ma gun gwanō didā gwashim nūyūt gū na didaklthkshish ga Miyān ga gū dum tkulamām wālksha shim gish ga gau ga na wil hūkhūitksha shimt.

2 A ma dum shim da gēkgum gagaudit, makmauk, dikgaudit, na lthiklthinaum da shima shiebunshk gut ;

3 Ma dum shim bāl dum lthawila shagait gūelum gauda Haigut ā gundaklthēum giakshit.

4 Gaul tkamaut, ada gaul Haigut, niwālda na wila di hūkhūitksha shimt ā gūel na bōishk ga na wil hūkhūitksha shimt :

5 Gaul da Miyān ga, gūel wil shimhoudikshit, gūel baptismt,

6 Gaul da Shimoigiat ga shagait Nagwādit tkāni dit gū galakā dida tkāni dit, diltb shpagait tkāni dit, diltb zāou tkāni dit.

7 Na shimgilginamtk ga ām da meltha gaul didā gum, niwālda n'dapsh ga na kshaginamash Christa ga.

8 Gun houit ga, Da ltha mangash ga lakāga, gik n'tkoigiat ga na tkoigiat di ga, ada kshaginamat gish ga giat ga.

9 (Wai gwa, nha mandoulth ga gau da gū gwit yagai na gik di tikidoulth gish ga wagait geuka da yō-bit ?

10 Niat ga gū nha tikidoulth di lthani sh ga gik mandoulthit gish ga wagait galakāt gish ga tkānish ga lakāga, dumt gup wil ho'n tkāni gant.)

11 Adat niat gut in ginam dum Apostlesa nagazāou dit, nagazāou da Prophetsit, diltb nagazāou da Hukmilmalsh ga dit, ada nagazāou da Hūkhabilbaulumithk ga dit, diltb Hūkgashūwilaigiamgushk ga dit ;